



12. august 2010

UKA 2010/64

Inatsisartut suleriaasianni § 32 naapertorlugu aalajangiiffigisassatut siunnersuut imaattoq matumuna saqqummiupparput:

Inatsisartut aningaasanut inatsisaanik toqqammaveqarluni erhvervsstøttemi puljemik pilersitsinissaq siunertaralugu inatsisissatut siunnersuummik suliaqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(ATASSUT-ip Inatsisartunut ilaasortaataitai: Siverth K. Heilmann, Knud Kristiansen)

Tunngavilersuut:

2009-mi qinersineq sioqqullugu Inatsisartut 2008-mi ukiakkut ataatsimiinneranni partiit tamarmik aalajangiuppaat erhvervsstøttepuljemik pilersitsisoqassasoq (UKA2008/54), aalajangiinerli pereermat Naalakkersuisuusimasut siunnersuummik saqqummiussissallutik angumersinngitsoorput 2008-mi upernaakkut Inatsisartunut qinersinissaq nalunaaruteqarmat.

Erhvervsstøttepuljemik pilersitsinissami siunertaavoq aningaasanut inatsit aqqutigalugu ataasiartumik aningaasaliisoqassasoq, aningaasallu taarsigassarsiaritinneqartut taarsorlugit akilersorneqartut erniai ilanngullugit Erhvervsstøttepuljemi attartorteqqitassatut atorineqartassasut, tassa massakutut nunap karsianut akilersorneqaratik.

Ukiuni kingullerni arlalinni Erhvervsstøttemut aningaasaliissutigineqartartut annikilliarupiloorni-kuupput. Tamatta ilisimavarput pingaartumik aalisarnermik inuussutissarsiuteqartut angallatiminnik nutarsaanissaminnik pisariaqartitsisut, tassami angallatit tamakku amerlanersaat ullumikkut pisoqalinikuupput aserfallatsaaliernerallu akisoqaralutik.

Puljemik taamaattumik pilersitsisoqarnissamut arlalinnik pingaarutilinnik pissutissaqarpoq:

- Inuussutissarsiutinut taperseeriaaseq patajaatsoq ukiumoortumillu aningaasalersorneqarnissamut pisariaqartitsinngitsoq pilersinneqassaaq.
- Inuussutissarsiutinut taperseeriaaseq patajaatsoq inuussutissatigit immitsinnut pilersornerulernissatsinnut annertusaataassaaq.
- Inuussutissarsiutinut taperseeriaaseq patajaatsoq aalisarnermik, piniarnermik aammalu nuna-lerineramik inuussutissarsiutit imminut akilersinnaanerusunngorsarneqarnerannut annertusaataassaaq.

Taamatut tunngavilersuuteqarluta siunnersuut Inatsisartunut tunniupparput.